

Centar za Evropske integracijske strategije

# Republika Srpska pod tim imenom neće moći opstati

Posljedica neusvajanja ustavnih promjena biće izbori ustrojeni prema Dejtonskom sporazumu, koji su potpisali učesnici rata

Centar za Evropske integracijske strategije (CEIS) predstavio je politički dokument "Prevazilaženje rata u glavama: Obnova debate o ustavnim promjenama", u kojem je navedena analiza stanja u BiH koje je dovelo do neusvajanja ustavnih promjena.

Dokument su predstavili regionalni direktor CEIS-a za BiH **Senad Slatina** i izvršni direktor CEIS-a iz Ženeve **Kristof Solioz**.

"Proces promjena je veoma složen, a za njihovu realizaciju potrebno je najmanje pet godina. Veoma je bitno ne posmatrati

stvari negativno, sada kada ustavne promjene nisu usvojene. Građani BiH i političari moraju shvatiti da samo otvoreni dijalog dozvoljava promjenu stavova ili njihovo usklađivanje s ostalima kako bi ova zemlja krenula ka evropskim integracijama", kazao je Solioz.

Posljedica neusvajanja ustavnih promjena, prema riječima Senada Slatine, biće izbori ustrojeni prema Dejtonskom sporazumu koji su potpisali učesnici rata.

On je dodao da se u predstavljenom dokumentu nalaze pretpostavke za otvorenu debatu koja će voditi ka državi ravnopravnih naroda i građana.

"Pretpostavke su veoma jednostavne. Republika Srpska pod tim imenom neće moći opstati i to moraju shvatiti njeni političari. Vlasti u Sarajevu moraju napustiti kult mučeništva i senzibilizirati odnos prema manjinama. Hrvati u BiH moraju napustiti razmišljanje o statusu najmalobrojnijeg, ugroženog naroda već se moraju priključiti procesu stabilizacije države BiH, kazao je Slatina.



Parlament BiH: šta nakon odbijanja ustavnih promjena

Danas u Sarajevu



Redovni sastanak o osnovnoj obavezi vlasti u BiH

## Šiling i Del Ponte o saradnji BiH sa Hagom

Visoki predstavnik i specijalni predstavnik EU **Kristian Švarc Šiling** sastaje se u petak u Sarajevu sa glavnom tužiteljicom Haškog tribunala **Karlom del Ponte**.

Kako je saopćio OHR, ovaj sastanak dio je konstantnih pregleda saradnje BiH, a posebno Republike Srpske, sa Haškim tribu-

nalom. Prema Dejtonskom sporazumu, međunarodnom i domaćem pravu te u procesu stabilizacije i pridruživanja EU, ova saradnja je osnovna obaveza za vlasti u Bosni i Hercegovini.

Visoki predstavnik i glavna tužiteljica Haškog tribunala obratiće se novinarima nakon sastanka.

### Haški tribunal

